

續修四庫全書

《續修四庫全書》編纂委員會編

續修四庫全書

上海古籍出版社

zf45/05

七八・經部・禮類

宋黃宣獻公周禮說五卷首一卷末一卷	〔宋〕黃度撰	〔清〕陳金鑑輯	一
周禮因論一卷	〔明〕唐樞撰		九三
周禮完解十二卷	〔明〕郝敬撰		一〇七
周禮問二卷	〔清〕毛奇齡撰		三八三
周官辨非一卷	〔清〕萬斯大撰		四〇一
周禮輯義十二卷	〔清〕姜兆錫撰		四二五

宋黃宣獻公周禮說

〔宋〕黃度撰
〔清〕陳金鑑輯

據北京圖書館分館藏清道光十年陳氏五馬山樓刻本影印原書
版框高一九五毫米寬二六八毫米

宋黃宣獻公周禮說

道光庚寅刻東陳

氏五馬山樓鈐本

宋黃宣獻公周禮說 序

自來說周禮難矣莽歆用之而多書奇字鄭康成注之而改讀經文至宋世說周禮更難矣王荊公著新義而害貽新法俞庭樞撰復古編而亂及古經鄉先生新昌黃宣獻公以理學爲南宋名臣注周禮說五卷書錄考志咸載而明以來藏書家罕有傳本至朱竹垞先輩作經義考搜羅閎富并其目不登蓋是書之佚久矣余癸酉同年友陳仲蓉臺以明經入都十年論辨於鄉先生遺說尤加意哀緝謂宣獻其邑人也得說周禮者若干條今年秋緘寄示余余方侍

蹕東行比還京發而讀之雖非全書而天文地輿并牧軍賦禮樂政刑大半具存貫通古今裨益治道非注疏者不少是注疏者亦多立論持平不存己見可謂折衷盡善者矣嘗攷黃宣獻公在淳熙紹熙閒多所建白與紫陽同遭學誅進退裕如及慶元以後出守大州入直閣事凡所著述坐言起行史論稱爲粹然君子可謂通經致用者矣而惜乎全書之不覩也昔宋王伯厚緝鄭氏易注明姚士舜緝陸績易解其書皆佚而復見然亦不必皆全編而學者爭先覩之以爲快蓉臺別余七年矣而手緝是書喜余弟姪嘗從蓉臺遊而分任校勘尤愛其同里諸君子肯郵資以鈐版也爰序而歸之

皇清道光九年歲在己丑十月乙酉仁和許乃普題於京華園廡

幼遭孤露貧不自存樵牧誦經至於弱冠幸遊庠序獲侍學師錢塘應叔雅先生先生飲食教誨手一編而語鑑曰此黃宣獻公書說也其他經之說惜不傳時邑廩生從姪東垞適以周禮疑義質先生先生曰此莫如黃宣獻公說矣鑑從旁識之不敢忘閱三年東垞赴玉樓鑑課其子又七年入成均遊槐市又六年出畿東客遼西又四年浮大江南北悠悠歲月誤於無補之學年來假館武林丐藏閱肆始手鈔宣獻說周禮者數十百條焉今年夏觀書於湖上文瀾閣而增益焉伏思是書在明初當編載永樂大典自憾十年都下一覩無由然今所存大典於周禮家通闕地官夏官則欲是書

之全抑又難矣編次訂正本既三易同里戚族敦迫付錢東垞家嗣彤甫子堪贖資郵寄厥功最鉅而不忘所始仍題東垞名以慰之其專任校勘者則賴仁和許生季傳乃愚子穆章身也錢五閱月而工竣竊愧耳目荒陋摭多疎叔雅先生已捐館九年矣尚望當世博洽君子有以補其遺而正其誤庶足與書說並傳云爾
皇清道光九年己丑十二月辛酉朔昌後學陳金鑑書於剡東五馬山樓

重輯宋黃宣獻公周禮說凡例

一是書久佚今從諸書采輯其經文有說者標題無者闕焉以省編簡

一是書原分五卷不解攷工記亦曰五官解今天官書少仍作一卷地官夏官秋官卷分上下春官卷分上中下庶厚薄均而卷無增損矣

一采輯各條注明所出其有數條聯屬者注於第一條下以貫之他說間可引伸者加案字以附之其為宣獻原注者則加自注以別之

一所采各書先後互異者並載其目先後相同者則注先見書目

一參訂諸戚族分卷認錢卽分卷注名不分年齒為先後

一總校諸子不分卷次於序言統述之

重輯宋黃宣獻公周禮說目錄

卷首

原序

考證

卷一

天官

卷二

地官

卷三

春官

卷四

周禮說目錄

夏官

卷五

秋官

卷末

史傳

行狀

墓誌

祭文

校訂姓氏

水心集

水心集

水心集

葉忠定公原序

周官晚出而劉歆遽行之大壞矣蘇綽又壞矣王安石又壞矣千四百年更三大壞而是書所存無幾矣詩書春秋皆孔子論定孟軻諸儒相與弼承世不能知而信其所從并列於遠衆酌飲焉惟其量爾故治雖不足而書有餘也孔子未嘗言周官孟子亦以爲不可得聞一巨驟至如奇方大藥非黃帝神農所名無制使服食之法而庸夫鄙人妄咀吞而不眩亂顛錯幾希故用雖有餘而書不足也雖然以余考之周之道固莫聚於此書他經其散者也周之籍固莫切於此書他經其緩者也公卿敬羣有司廉教法齊備義利均等固文武周召之

周禮說卷首原序

實政在是也奈何使降爲度數事物之學哉新昌黃文叔始述五官而爲之說疊疊乎孔孟之以理貫事者必相發明也惻惻乎文武之以已形民者必相緯經也守天下非私智也設邦家非自尊也養民至厚取之至薄爲下甚逸爲上甚勞洗滌三壞之腥穢而一以性命道德起後世之公心雖未能表是書而獨行猶將合他經而共存也其功大矣同時永嘉陳君舉亦著周禮說十二篇蓋嘗獻之紹熙天子爲科舉家宗尚君舉素善文叔論議頗相出入通考無煩字所以異者君舉以後準前繇本朝至漢遡而通之文叔以前準後繇春秋戰國至本朝沿而別之其敘鄉遂溝洫辨二鄭是非凡一

字一語細入毫芒不可損益也

宋葉氏適水心集近時
翁氏元所困學紀聞箋

肩前記卷首

二

宋黃宣獻公周禮說考證

宋袁氏變撰尚書黃公行狀曰公諱度字文叔家於紹興之新昌始就學聰警過人長九卓犖慨然有傑出流輩步趨聖賢之志作科舉業出語驚人其師祕書郎張淵以爲似曾南豐隆興之元擢進士第積階自改秩九遷爲中奉大夫爵新昌縣開國子食邑六百戶平生澹泊一室蕭然無耳目之娛獨嗜書至老不勑時時誦習且手抄之日有程雖官事紛沓不廢自六經百氏天象地理禮樂官名井田兵法莫不研究交友皆天下名士講貫日新淳蓄充溢義理所在必極精微毫髮有疑昭晰乃已有書說二十卷詩說三

月庵說卷首

一

十卷周禮說五卷發明精切有先儒所未及止齋陳舍人傳良以周禮名家聞公論鄉遂所疑頓釋公之篤學精思胸中富有取之不窮發於事業燁然可紀立朝大節始終無玷固變所心服也

宋葉氏

宋葉氏適撰黃公墓誌曰公學終其身不私已見有詩書五十卷周禮五卷得義理所安爲多諸儒罕能過也至於天文地理今人以爲不必講井田兵法今人講而不足行者公能使文與事會無昔人迂陋牽合之病制置江淮夜引賓佐質難經義得新說披衣排戶以告又序詩說曰往年徐君厚言文叔蚤爲諸經解書略具矣時公未四十也頃歲每有學者自金陵

至言公常用周禮注疏與王氏新經參論夜率踰丙
臺漏未上輒扣門曰已悟於是公七十四矣嗚呼
斯可謂以學始終歟公既歿始得其詩說三十卷

宋陳氏振孫曰周禮說五卷禮部尚書新昌原刻會稽

黃度撰不解攷工記葉水心序之度篤學窮經老而
不倦晚年制閩江淮著述不輟時得新意往往晨夜

扣書塾為友朋道之錄直齋書
宋王氏與之曰新昌原刻山陰黃氏度有五官解刊在

浙東倉司東嚴周禮
宋馬氏端臨曰黃氏度周禮五官說五卷葉適序曰云

云文獻
元潘氏音讀黃宣獻公註疏詩曰偉哉黃宣獻讀書益

萬卷正色動嚴廊抗疏回霄漢雅志薄紛華幽情耽
散玩白首窮簡編頻年下帷慢折衷孔鄭言兼採程

朱傳諸經咸有疏殊條盡同貫我幸讀典謨更得觀
象象三百與三千恨止窺其半聖賢傳心訣帝王經

世案昭回儼日星鄭紫那能亂又過黃宣獻公故居
詩曰翩翩黃叔度早已擅鴻名元老揚休色中朝曳

履聲風煙接閩里瓜葛自親情萬卷書何在空堂鳥
鵲驚待清軒

元托克托曰度志在經世而以學為本作書說七卷詩

說三十卷周禮說五卷藝祖憲監三卷仁皇從諫錄
三卷宋史本傳

明李氏賢曰黃度新昌人隆興進士除監察御史光宗
不過重華宮度累疏諫之及論韓侂冑之奸累官煥

章閣學士知隆興府嘗知建安救荒有法活民百萬
為立生祠所著有詩書周禮說及史通行狀作通史

諸集明一
明邵氏經邦曰黃度好學攻文作詩書周禮說天文地

理井田兵法即近驗遠可以據依推挽人物以為己
任每日無以報國惟有此耳簡錄

國朝納喇氏成德序書說曰宋新昌黃宣獻公經學博

通著詩說三十卷周禮說五卷其易傳未成而歿今
惟尚書說七卷僅存通志堂

宋黃宣獻公周禮說卷一

後學

陳金鑑 輯
陳廷燮 訂

天官冢宰

周公居攝而作六典之職以佐王理邦國漢成帝初分尚書置四曹蓋因事設員以司其務非擬於古制也至光武乃分爲六曹迄於魏晉或五或六亦隨宜施制無有常典自宋齊以來多定爲六曹稍似周禮至隋六部其制益明唐武太后遂以吏部爲天官戶部爲地官禮部爲春官兵部爲夏官刑部爲秋官工部爲冬官以承周六官之制若參詳古今徵考職任

周禮說卷一 天官

則天官大宰當爲尚書令非吏部之任今吏部之始宜出夏官之司土云

文獻通考 案此條互見訂義司土說

惟王建國辨方正位體國經野設官分職以爲民極乃立天官冢宰使帥其屬而掌邦治以佐王均邦國

建立也上同體國經野體國以經理田野也王畿方千里周人合東西都爲王畿地形不能正方短長相補以充足之設關於郊關以內爲國自甸以往爲野六官之首皆言此者六卿分主六卿

義訂

周有六卿兼三孤而爲九此言周官卿數之定論也今攷於經六卿既各分職矣而國之六卿且有六焉后之六官則又倍焉蓋周之卿於是乎凡二十有四

人矣夫爲卿若是之衆而言者則曰六卿九卿何哉蓋係之六典則曰六卿居於九室則曰九卿然事固有非數者之所能盡間見於六卿六宮者不可得而畧焉是皆屬乎六典之中矣先王任人之道亦豈拘拘焉限於其數而不求以集天下之治哉宜卿不嫌於衆矣

此條見訂義春官末

大宰之職掌建邦之六典以佐王治邦國

冢宰司徒二府對立與四卿不同周公爲冢宰召公爲司徒相成王爲左右蓋左右相也周人常使二官分陝而治事任甚重治典教典稱官府禮典而下稱百官冢宰之治司徒之教於官府無所不行也禮政

周禮說卷一 天官

刑事百官有其職則承之以統百官

統言尊卑上下有所統也

以八則治都鄙

都鄙畧似邦國而事神治民一皆受命於天子故謂之御春秋傳曰外諸侯世也內諸侯祿也將有進退故八則皆自上御之春秋祭以伯見後曰祭公單以伯見後曰單子此其進退之可見

四曰祿位以馭其士

自一命以上皆命於天子

六曰禮俗以馭其民

土均所以設職也雖從其俗要必以禮為準而權其輕重

以八統詔王馭萬民

八統卽中庸九經也治天下國家綱統在是

二曰器貢

用器兵器禮樂之器

七曰服貢

不獨絺紵玄纁織績皆是案鄭注

三曰師以賢得民

師掌教之官鄉大夫師氏保氏也

四曰儒以道得民

儒學士也通乎其下傳道授業者訂義

祀五帝

昊天上帝者天之大名也五帝分王於四時者也周人祀天於圓丘祀上帝於明堂皆報本也祀五帝於四郊所以致其生物之功也大宗伯言禋祀昊天上帝而不言祀五帝義可知矣由此觀之則明堂祀上帝者祀天也非祀五帝也而註疏家言明堂者皆曰祀五帝其說何從始乎遺秦滅學專用夷禮漢興襲秦四時增之爲五時自是以後郊祀用新垣平之言則祀五帝明堂用公玉帶之言則祀五帝皆以五時爲主不知有上帝五帝之分也成帝卽位用康衡之

說改郊祀明年衛坐事免官衆庶多言不當變動祭祠者遂復甘泉泰畤及雍五畤如故夫明堂祀五帝自武帝首行之光武中興以後始建明堂明帝章帝安帝遵行不變大抵以武帝改上明堂爲法不知周人祀上帝於明堂之意矣是故漢儒之註釋明堂者皆云祀五帝蓋其見聞習熟然也其後晉泰始中有言明堂南郊宜除五帝坐只設昊天上帝一位未幾韓揚建言以漢魏故事兼祀五帝無祀一天者竟復明堂五帝位是又習熟漢魏故事而然也抑又有甚焉者唐開元中王仲丘奏謂禮享上帝有合經義而五帝竝祀行之已久請二禮竝行以成大享之義本

朝皇祐中宋祁奏以上帝五帝二禮竝存以明聖人尊天奉神之義不敢有所裁抑夫祀上帝於明堂周禮也祀五帝於明堂漢禮也合周漢而竝用之既竝祀五帝又祀上帝其義何居是說也創於王仲丘襲於宋祁後之言禮者習熟見聞又將循此以爲不易之典甚矣知天之學不明諸儒惑於古今同異而莫知所決行之既久而莫覺其誤也肆我神祖聖學高明洞見周人明堂以文王配上帝之深意屏黜邪說斷然行之不以爲疑非聰明睿智不惑之至其孰能與此哉文獻通考案此條通考兼引信齋楊氏續編傳通解今本通解脫小宰之職掌建邦之官刑以治王宮之政令凡宮之糾

禁

王宮內外自宮室庖膳醫藥酒漿貨賄嬪婦皆統於大宰而小宰建宮刑以治之訂義

二曰以敘進其治三曰以敘作其事

以敘進其治未嘗不欲其治也又惡其陵節犯上出位邀功故以敘造之積靡廢曠不可以不戒也則又以敘而作其事

一曰治職以平邦國以均萬民以節財用

平邦國均萬民上之財用不節何可爲也故冢宰制國用

四曰政職以服邦國以正萬民以聚百物

周禮卷一 天官

五

軍旅田役貢賦皆司馬政典稼穡財貨馬牛車輦器械之屬聚則公私俱足鄭言職方制貢蓋其一事耳

以官府之六聯合邦治

凡官府之相關通者聯合之

以官府之八成經邦治

此卽大宰八灋官成也八灋爲屬聯聯成計其目皆在小宰大抵小宰治官府最詳八成所以待萬民之治也事莫繁於此大小宰通職小宰任其繁則大宰所治皆要也其曰經邦治治之所由以立也

二曰聽師田以簡稽

車徒牛馬器械皆具於此

六曰聽取予以書契

書契酒正凡有秩酒者以書契授之則凡取予二字訂義

以聽官府之六計弊羣吏之治

聽謂聽察之也孔子曰如有所譽者其有所試矣計計其功狀也曰善曰能曰敬曰正曰濟曰辨所以斷其才等也凡此六者有其一皆可以治故謂之治行弊斷也

國有常刑

常刑謂國法掌在司寇

宰夫之職掌治朝之灋以正王及三公六卿大夫羣吏

周禮卷一 天官

六

之位掌其禁令

掌治朝之灋者冢宰掌邦治故王祗治朝則冢宰贊聽治而宰夫掌其灋以正王及諸臣之位灋謂其事當聽於治朝者若今三省取旨軍司引見公事禮部奏進士名三衙進呈軍器之屬是則皆有其灋矣王位若今御坐與臨軒也公卿大夫之位其進退升降各有據鄭言其位司士掌焉宰夫察不如儀者非也司士朝儀之位蓋常朝也宰夫治朝之位王聽治當時王者位於此也羣吏府史府主藏吏主書將有所治故亦有位

敘羣吏之治以待賓客之令諸臣之復萬民之逆

臣民言事爲令爲復爲逆其當否其可行其不可行而必關於羣吏之治故敘而待之

掌百官府之徵令辨其八職

周禮徵令有二王與冢宰有所徵召之令宰夫百官府之徵令是也征斂稅賦之令司書逆羣吏之徵令是也王召百官府將有所訪問宰夫掌之必辨其八職其凡要在正與師其數目在司與旅其財賄文書在府與史其節次督趣在胥與徒必辨其職則徵召無差忒

一曰正掌官濫以治要二曰師掌官成以治凡三曰司掌官濫以治目四曰旅掌官常以治數

周禮卷一 天官

七

正師皆是長官也正以糾正爲義師以教師爲義司以司察爲義旅衆也以分職爲義正師之治簡司旅之治詳凡詳於要數密於目鄭氏以大宰爲正小宰宰夫爲師上士中士爲司下士爲旅非也下士爲旅蓋見六卿之屬有旅下士故據之六卿之屬旅下上亦以分職爲義也此言百官府之八職凡官府不必備此八者以其所以稱正稱師與其他所以名官皆可以類通矣官濫官成官常卽冢宰所治之八濫

六曰史掌官書以贊治

史案牘可攷於治爲贊助

掌治濫以攷百官府羣都縣鄙之治

鄭說非也鄉遂皆官府也縣都之地不爲都者皆爲都鄙如遂之制遂人可考天子使吏治之故稱之曰羣都縣鄙以同於遂也

乘其財用之出入

大府曰凡官府都鄙之吏及執事者受財用焉故宰夫考其治而乘其出入

凡失財用物辟名者以官刑詔冢宰而誅之

失財用物有過誤有乖違其罪皆可議惟辟名則必行其誅

甸師

王藉在野故以甸名官有教民之義故曰師鄭氏謂

周禮卷一 天官

八

其野物官之長禽獸魚鼈莫非野物而以稼穡先之重本也列於庖膳之後飲血茹毛在黍稷之先故本其所從來也

王之同姓有舉則死刑焉

同姓死刑於是事人事鬼無二道也詩曰惠于宗工神罔時怨神罔時恫刑于寡妻至于兄弟以御于家邦反遭敗類近在其族敘帥之不至忝其先人寧不自愧乎死刑於是蓋自以爲事鬼神之未盡怨恫之必不能免也記曰不與國人慮兄弟兄弟之有可慮麟趾仁厚之化安在哉知此則知冢宰設屬大意食醫 凡食齊眠春時羹齊眠夏時醬齊眠秋時飲齊

眠冬時凡和春多酸夏多苦秋多辛冬多鹹調以滑甘
凡會膳食之宜牛宜稌羊宜黍豕宜稷犬宜粱雁宜麥
魚宜苽凡君子之食恒放焉

凡齊所眠和所多會所宜節王之欲可謂備矣是故
王心常清不爲物所淫王體常寧不爲物所傷然後
能以禮義節人之欲焉宋陳氏友仁天有四氣人有
五臟一氣不備物受其病五臟亦然四齊相廢則或
養其一臟而遺其四害不淺矣滑所以調之慮其不
通也甘所以調之慮其不和也甘在內則養脾在外
則養肉四行無土不可四味無甘不可此甘之所以
調歟竅者氣之所由以通者也竅不利則氣窮焉此

用難說卷一 天官

九

滑之所以調歟牛羊豕犬雁魚天產也以爲膳所以
養人之精稌黍稷粱麥苽地產也以爲食所以養人
之形精不足於養則氣衰形不足於養則氣殆然則
膳食之養不可相廢其宜不可相反所宜二字明王
禮注疏或失焉則所養適足以害之耳集說周禮全

經釋

論春秋傳曰秦豎和謂趙孟曰國之大臣榮其寵祿

任其大政訂義作全有蕃禍興而無改焉必受其咎

今君至於淫以生疾主不能禦吾是以云良臣將死
也夫師之教訓傳之德義保其身體冢宰之事也冢
宰王躬是保燥溼寒暑起居飲食皆當體察周冢宰

必兼三公使其燥溼寒暑之不戒飲食起居之不節
而疾生焉則何以爲師保故食醫之調適飲膳爲詳
而醫師奉王之事屬於冢宰豈苟而已哉計義集

疾醫掌養萬民之疾病四時皆有癘疾春時有瘡首疾
夏時有痒疥疾秋時有癘寒疾冬時有嗽上氣疾

癘疾之作或感四時之邪氣或自養之失宜素問曰
夏傷暑其病在秋爲痲痺秋傷溼其病在冬爲咳嗽
此自養之失月令曰孟秋行夏令民多癘疾中冬行
春令民多疥癩此感時之邪先王於時氣不能使之
無邪而有以裁成之不能使萬民無癘疾而有以養
之爲之疾病之醫所以養萬民之疾爲之禮義之政

用難說卷一 天官

十

所以裁成其時氣而又爲之膳膏齊和使當放焉所
以維持其五臟六腑此仁民之政也記義集說

酒正

官正官伯之掌官室居處之正也膳夫庖人之事膳
羞飲食之常也酒漿醢醢宜聯膳飲舍次幣幕宜聯
宮室離之而在醫師之後其下遂列府藏續御之官
蓋以爲厚味脂膏游觀怠荒貨賄遂至聲色縱欲皆
足以致疾其在典章雖不可已而可節其在人情雖
不能免而可戒是皆大宰之所當知自秦以來宰相
不復預此凡入主共養盡屬少府乃爲天子私人夫
豈惟宰相不得預而醫卜史官加諸吏左右曹則與

聞政事矣尚書密掌樞機則權倖宰相矣訂

凡王之燕飲酒共其計酒正奉之

燕賓客有常禮故共其計左傳曰臣侍君燕過三爵非禮也三爵獻酬酢也酒正奉之察其過也

酒人 共賓客之禮酒飲酒而奉之

酒漿籩醢皆內事宗廟之祭祀賓客之饗食王后行禮於此世婦詔之酒正不與故酒人共酒而奉之直致內事鄭言酒正使之非也詩曰我姑酌彼金罍我姑酌彼兕觥后夫人之職也

凡祭祀共酒以往賓客之陳酒亦如之

外祭祀賓客陳酒皆共酒以往酒正使其士奉之

周禮卷一 天官

漿人 共賓客之稍禮共夫人致飲于賓客之禮

飲常頒也以其賓客謂之稍禮常日稍用之非必備六飲禮飲后夫人致稍禮漿人共不由酒府繼粟繼食之義

凡飲共之

凡飲自后而下

籩人 加籩之實菱芡臬脯菱芡臬脯羞籩之實棗餌粉羞

四籩以司尊彝互考之屬薦腥薦熟爲兩節王行禮則加籩羞籩當爲后亞獻行禮故謂之加與羞皆用臬脯餌羞

掌舍 設車宮轅門

車宮壇壝宮皆因會同爲之有兵事則爲車宮所謂兵車之會今猶稱將幕爲轅門

大府 頒其貨于受藏之府頒其賄于受用之府

藏以儲蓄言內府職曰掌受九貢九賦九功之貨賄良兵良器以待邦之大用此所以備非常不能不用要以蓄儲爲本故曰藏外府職曰掌邦布之出入以共百物而待邦之用凡有灋者此有司常費隨入隨用故曰用

凡官府都鄙之吏及執事者受財用焉

執事者若工賈之屬應受財者

周禮卷一 天官

凡邦之賦用取具焉

賦用謂九式之當用邦賦者貢不與也有餘不足則推移之而必取具焉

王府掌王之金玉玩好兵器凡良貨賄之藏

王之金玉玩好兵器貨賄皆式貢之餘必取其良者下奉上自當如此

掌王之燕衣服衽席牀第

冕服司服掌之屬宗伯燕衣服玉府掌之屬冢宰格

王正事宰相之職王之衣服外府以關市之賦爲之而燕衣服則歸於王府燕衣服衽席牀第皆可爲淫靡而與金玉同藏使大府爲之長王之用財雖不會

大府歲終會貨賄之入出家宰受焉猶可以察其非度也

若合諸侯則其珠槃玉敦

珠槃玉敦用於盟歃玉府供之盟所以結信信必自上之人先之故用天子寶藏之器

凡王之獻金玉兵器文織良貨賄之物受而藏之凡王之好賜其其貨賄

此私獻於王者也鄭氏言百工所作可以獻遺諸侯非也玉府蓋天子燕私器服之藏故獻為私獻而好賜亦王之私予左氏傳曰王以羣伯宴而私賄之曰非禮也勿籍內府有好賜予則疑作無典章不可廢

周禮卷一 天官

三

者也崧高王遣申伯路車乘馬韓奕王錫韓侯淑旂綏章是也

內府

內府其貨賄則大用也外府其布則小用也內府多臨事度宜非預有法程者適四方使者所受物與好賜予者為可見

凡適四方使者其所受之物而奉之

王聘諸侯皆有賜遺幣帛以縣賦給賜予以幣餘之賦給帛用以邦國之貢給此言凡適四方使者則吉凶雜

外府掌邦布之入出以其百物而待邦之用

外府專掌邦布貨賄重幣布輕幣布所以通貨故貨賄皆在內府而布在外府

凡有濶者

謂當用百物者也

凡祭祀賓客喪紀會同軍旅共其財用之幣齋賜予之財用

財用幣齋其財用有幣者之齋也裹送之雜費也掌皮曰歲終會其財齋典婦功曰授女功之事齋棄人曰受財於職金以齋其工凡齋義通賜予財用亦謂有當買作者內府適四方使者共其所受之物外府共幣齋大用小用可見矣

周禮卷一 天官

四

司書掌邦之六典八灋八則九職九正九事邦中之版土地之圖以周知入出百物

九事九式式特用財之程式耳變言事凡羣吏之所當聯事合治者莫不舉也財出而事不舉則為妄費司書計羣吏之治必使知此意故言事焉事成而後版圖簿書幣餘之財於是可斂矣

以逆羣吏之徵令凡稅斂掌事者受灋焉及事成則入要貳焉

徵令貢賦之令也小司徒曰以行徵令田野穀粟藪牧六畜山澤各以其物皆民職貢賦攷其足見贏者取之寬也不足者取之隘也司書於是通其有無平